

Lust auf einen anderen Lebensstil? – Wohnen im StattKloster

Hesch Lust uf öpis völlig Unkonventionells und Bock uf es Abentür? Mir sind en kunterbunte Hufte vo Mensche jeglicher kultureller Herkunft, wo ganz noch em Motto - #togetherisbetter – sich zemegefunde hend, und üs ez ines völlig neus und chancerichs Projekt inestürzt, wa sich STATTKLOSTER nennt.

Jo richtig – STATTKLOSTER – notürlich bewusst mit «TT», also es anstaTTKloster, will das d'Idee vom Konzept repräsentiert. Es söll e anderi Art vo zemelebe si. Ganz noch de Art vo de Sharehaus-Idee in Berlin werded insgesamt acht Einzelzimmer zwüsched 17 und 22 m² vermietet. S'Altbau Huus befindet sich Mitte im Zentrum vo St. Galle und d Wohnige sind frisch renoviert und top modern möbliert.

Mit dem Inserat sueched mir in erster Linie e dritti Person für die oberst WG, wo sich bis jetzt zwei jungi Fraue zemegefunde hend.

D'Idee vom Konzept STATTKLOSTER isch, dass jedi Person sich dörf ibringe, mit dem, wa sie/er isch und guet chan und me so vonenand profitiere dörfed. S'Konzept isch no sehr offe und somit bestoht no viel freie Gsaltigsruum, je noch Bedürfnis und Interesse vo de Mitbewohner. Es söll en Ort si, wos Platz het für Ustusch, Diskussione, Fründschafte und gegesitigi Hilfsbereitschaft.

En fix integrierte Teil vom Konzept wird si, dass mir 1 mol pro Wuche en WG Huus Obig ha werded, wo mir zemesitzed, essed und diskutiered. Wie s restliche Zememelebe usgseh wird, dörf sich mit de Bewohner/-inne entwicke.

S Huus beinhaltet insgesamt fünf Stockwerk, und het ned nur Wohnige, sondern au Büros, es Werkstattkafi und en Gwölbe-Keller wome multifunktional chan nutze z.B. als Atelier, Konferenzruum, Workshop-Rum etc.

Mir freued üs extrem vo dir z'ghöre und bi irgendwelche Froge oder Zwifel dörfed ihr eu sehr gern a eini vo de Mitbewohnerinne wende, oder notürlich au direkt bim Leiter vom STATTKLOSTER selber.

Leiter des Stattklosters Kurt Pauli: Kurt.Pauli@stattkloster.ch, Tel. 071 220 99 70 /076 424 87

24

Mitbewohnerinnen: Rebekka Weber: rebekka.weber@bluewin.ch , Elena Policante elena.policante@gmail.com